



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **De Breviario Concionatorio, Strenæ, Fidelis Prophetissa Concionibus de B. M. Virgine serviens, Conciones Occurrentes & Funebres**

**Tylkowski, Wojciech**

**Oliva, 1686**

In Eadem Circumcisione.

[urn:nbn:de:hbz:466:1-51821](https://nbn-resolving.org/urn:nbn:de:hbz:466:1-51821)

facie ante & retrò, quia videt mundum ante & post diluuium, Janus inde dictus, quia plantavit vineam primus post diluuium, quòd Chaldaicè dicitur Jain, hinc quasi Jainus, & corrupta voce Janus. Et hoc Christo congruit, habet quasi duas frontes, quia est *a* & *w* duas naturas habet, vidit mundum ante & post peccatum. Ramum oliuæ attulit ad Noë columba, ipse vineam plantavit. Processerat homo ut ille qui de Ierusalem in Jericho, oportebat illi infundere vinum & oleum. Paravit ex his DEUS Pater medicinam pro nobis in Christo tanquam pixide Apothecaria, & illi datur in scriptis *JESUS* & ne putemus pixidem vacuum, hodie ex illa per circumcisionem guttæ aliquot effunduntur. Christus Eccl. 43. *Vas admirabile, opus Excelsi* Continet vinum, *Ego sum vitis*. Continet *Oleum offusum nomen tuum*. Propterea cum Christus natus vineæ Engaddi floruerunt, & fons olei Romæ erupit.

### In Eadem Circumcisione.

**C**opiosam nobis redemptionem promittebat Pf. *Apud Dominum copiosa redemptio*. Eam fonti patenti comparabat Zachar. 13. *Erit fons patens Domui David & habitantibus Ierusalem, in ablucionem peccatoris*. Eandem instar maris extendit Micheas 7. *Revertete & miserabitur nostris, deponet iniquitates nostras, & projiciet in profundum maris omnia peccata nostra*. Sed hodie videmus impleri quod Isai 43. *Iste asperget gentes multas*. Aperitur cultro thesaurus, & modicus sanguis fluit, circumcidiur Infans. *Asperges gentes* itaque dabit guttas sed quomodo guttæ, fons aut mare? Sed hæc gutta sufficit orbi toto, sed neque hic redemptionem absolvit. Effundet totum in cruce ubi nostra redemptio consummabitur; per crucem enim nos redimere constituit. Interim modò rigat his guttis. Habuit plantas nobilis 99. multæ ex illis aruerunt, quia rigare no-

luit, hanc ultimam centissimam aspergit, nos, non Angelos lapsos. Joannes Eremita, emortuam arborem triginta annis rigavit, & tandem fructum tulit, nos fortè pluribus annis negat Christus, quis fructus?

### In Eadem Circumcisione.

**V**Ocatum est nomen ejus JESUS Bern. in Circumcis. serm. 2. Sed quid dicimus, quòd egregius ille Propheta, hunc ipsum Puerum multis nominibus appellandum fore prædicens, hoc unum nomen JESU, tacuisse videtur. Isai. 9. Puer natus est nobis, Filius datus est nobis, &c. Vocabitur nomen ejus, Admirabilis, Consiliarius, DEUS fortis, Pater futuri sæculi, Princeps pacis, &c. Ubi est nomen JESU? Fortè illud in his omnibus invenies sed expressum quodammodo & effusum. Est hoc nomen in istis, & ista in illo, sed quomodo? Est nomen JESU inprimis admirale, dum hoc nomen accipit, fundit sangvinem, & nobis fundit hæreditatem Bern. in Cant. Serm. 15. Dicite Fratribus vestris date nobis de oleo vestro, si nolunt, rogare Dominam olei ut mittat vobis &c. Oleum effusum nomen tuum. Nomen etiam hæreditatem significat, idem ibid. Particeps nominis sum, sum & hæreditatis. Christianus sum Frater Christi sum, si sum quod dico heres sum, Frater autem Christi. Christus idem est quod unctus, & nos in Baptismo unguimur oleo. Si Christianus, agendum mihi juxta legem Christi, quod si ita est, audi Tertull. de idololatria. Quid dicis, egebo? sed felices egenos. Victum non habeo? sed nolite inquit cogitare de victu, & vestitu, exemplum habemus lilia. Substantiã mihi opus erat? atqui omnia vendenda sunt & egentibus dividenda, &c. Audi ulterius eundem lib. ad scapulam. Amicos diligere omnium est, inimicos solorum Christianorum, &c. Nos, quos vos Ethnici, sacrilegos existimatis nec in furto unquam apprehendistis, nedum in sacrilegio, &c. Nu

Nos non aliunde noscibiles nisi de emendatione viriorum pristinorum, &c. Deposicium non negamus, Matrimonium nullius adulteramus, pupillos pie tractamus, indigentibus refrigeramus, nulli malum pro malo reddimus. Taliter vivere homo non potest sine fortitudine, hanc *DEUS* fortis in illo operatur. Opus hic fieri petram, ideo manet *Isai.* 15. *Attendite ad petram unde excisi estis, & cavernam laci unde praevisi estis.* LXX. legunt. *Inspicite in solidam petram quam excidistis & in foveam laci quam fodistis.* Hoc est Christum, de cuius nomine gloriamur, ne de nobis lamentetur *Thren.* 4. *Quomodo obscuratum est aurum, mutatus est color optimus.* Jam quomodo *JESUS* Pater futuri saeculi? Nunquid; & in hoc saeculo non est Pater? est, sed ita ut nos pro futuro saeculo generet. Ibi erimus omnes sacerdotes, ut est in *Apoc.* hic ad istud Sacerdotium gignimur à Christo. *Tertull.* lib de Monogamia. *Nos is sumus sacerdos & magnus Patris de suo vestiens, quia qui in Christo unguuntur Christum induunt, sacerdotes DEO Patri facit secundum Joannem.* Proinde agendum nobis sanctè ac si continuo sacrificium offerremus, nam sacrificium est quoddam oratio nostra, jejunia, mortificatio est, alioqui dicit nobis *Salvian.* lib. 4. de *Gubernat.* *Prov.* 11. *Circulus aureus in naribus suis mulier pulchra & fatua.* Cor nobis Christianum vocabulum quasi aureum decus est, quo si indignè utimur, fit, ut suos cum ornamento esse videamur. Denique qui vult scire plenius, vocabula nihil esse sine rebus, respiciat quomodo innumerabiles populi cessantibus meritis nomina perdidit, &c. *Judaei, Israël, & populus DEI Isai.* 1. & *Osee.* 1. *Vos non estis populus meus.* Christianus verus est similis illis animalibus quæ describit *Ezech.* 1. Habebant illa animalia alas ad volatum, id est fidem, & alæ fuerunt ignitæ charitate, sub alis erant manus promptæ ad opera. Sed unde charitas noscitur? *Greg.* in *Pf.* 6, *Pœnitent.* *Qui veraciter diligit, laesus non lædit, contumeliosus vicem non reddat, detrahentibus sibi non detrahit, qui eum ode-*

runt non odio. Ecce ignis in quo sacrificium nostrum in terra debemus offerre. Nomen JESU idem est quod *Confiliarius*, quia consulit & ostendit viam cœli Greg. 25. Moral. n. *Via Incarnate Sapientie est omnis actio quam temporaliter gessit. Via ejus sunt vivendi ordines quos ad se venientibus monstravit.* Sed an omnes hæc consilia sequuntur? proinde mendaces Christiani isti sunt in suo nomine. Ambr. 22. q. 5. cap. Cavete. *Mendacius est Christianum se dicere & opera Christi non facere.* Aug. lib. 4. de doct. Christian. *Ex Sacramento unctionis vocabulum omnium Christianorum descendit & nomen ille frustra sortitur, qui Christum minimè imitatur.* Sed fortasse accidit quod tempore suo deplorat Greg. l. 1. c. 10. *Quidam idcirco Christianitatis vocatione signantur, quia Christi nomine sublimiter exaltato, penè omnes jam fieri Fideles erubescunt, sed esse negligunt quod dici gloriantur. Rem virtutis intimæ sumunt ad decorem visionis externæ, & qui ante supernum iudicem nudi conscientie infidelitate consistunt apud humanos oculos professione sancta verbo tenus patiantur. Quia digna fidei opera servare contemnunt, etiam fidem perdunt quam tenere videbantur, &*

### In Festo S. Thomæ Apostoli.

Quantum salutem nostram amaverit S. Thomas, patet ex eo, quia volebat pro mundi salute mori cum Christo, & alios ad hoc ipsum hortatus Apostolos, *eamus & nos moriamur cum illo.* Plane geminus Christi, ut enim interpretatur Cornel. à lapide, Thomas significat geminum. Sed cum Christus socium in hac re non admitteret, Vicario Petro Christi se junxit post Christi resurrectionem Joan. 21. & cum eo piscabatur præludendo piscationi hominum accepto verò Spiritu S. totum orbem pervolavit, nam ut Th. Stapleton. in tribus Thomis, in Europa Sueciam, Daniam Germaniam: